

Pýtt úr ensku:

Upplýsingar fyrir tilboðsgjafa

Í tilboðum sínum skulu tilboðsgjafar tilgreina verð fyrir alla vinnu sem framkvæma á skv. viðkomandi samningi.

Tilboðsgjafar skulu undirrita frumrit útboðseyðublaða (DD1155, SF33, SF1442, o.s.frv.) og skulu þeir vélrita nafn sitt, starfsheiti, heimilisfang, póstnúmer, og símanúmer þar sem við á.

SENDA SKAL ÖLL TILBOÐ Á HEIMILISFANGIÐ SEM GEFIÐ ER UPP Í ÚTBOÐSGÖGNUM EIGI SÍÐAR EN Á PEIM DEGI SEM TILGREINDUR ER SEM OPNUNARDAGUR TILBOÐA.

Allar tilvísanir um „stjórnvöld”, „ríki” eða „fylki” eiga við um bandarísk stjórnvöld.

1. **Útskýringar fyrir tilboðsgjafa:** Óski tilboðsgjafar frekari útskýringa varðandi túlkun einhvers atriðis í gögnum þessum, skulu slíkar óskir vera **skriflegar** eða sendar í símbréfi, eigi síðar en 48 klst. fyrir opnun tilboða. Allar skilgreiningar eða túlkun verður gerð sem breyting á útboði og sendist öllum mögulegum tilboðsgjöfum. Verði breyting gerð áður en tilboð eru móttokin, skal tilboðsgjafi staðfesta slíka breytingu með undirskrift sinni á viðeigandi eyðublað, sem sendist með tilboði eða sér, en þó fyrir opnun tilboða.
2. **Aðstæður sem áhrif hafa á framkvæmd:** Til þess er mælst að tilboðsgjafar fari á viðkomandi vinnusvæði og geri aðrar þær ráðstafanir, sem nauðsynlegar kunna að teljast, til þess að kynna sér eðli og staðsetningu framkvæmda, og almennar aðstæður sem kunna að hafa áhrif á framkvæmdir eða verkostnað. Tilboðsgjafi, sem gerir þetta ekki, er ekki laus undan þeirri ábyrgð að meta kostnað rétt eða aðra þætti viðkomandi verks. Stjórnvöld axla enga ábyrgð á misskilningi eða mistulkun á skilmálum sem einhverjir talsmenn eða fulltrúar stjórnvalda kunna að valda áður en verkframkvæmd hefst.
3. **Hæfni tilboðsgjafa:** Tilboðsgjafi má gera ráð fyrir því að áður en tilboð hans er tekið til greina fari stjórnvöld fram á að hann leggi fram gögn til staðfestingar á starfsreynslu sinni, tæknipekkingu, fjárhagsstöðu og nákvæma kostnaðaráætlun vegna viðkomandi verks.
4. **Undirbúnungur tilboða:**
 - a. Gera skal tilboð á viðeigandi eyðublöð sem fyrirliggjandi eru og skal tilboðsgjafi undirrita þau. Ef útpurrun eða breytingar eru gerðar á eyðublaði skal tilboðsgjafi merkja hverja þeirra með upphafsstöfum sínum.
 - b. Aðlögun tilboða, sem þegar hafa verið gerð, verður tekin til greina ef tilkynning um slíkt er send ROICC fyrir opnunartíma tilboða.
5. **Tilboði tekið:** Um leið og tilboð hafa verið opnuð framkvæma stjórnvöld frumskoðun á þeim á grundvelli ákveðinna matsþátta, þ.m.t. fjöldi og umfang tilboða, sanngirni tilboðsverðs, tæknilegir þættir og samræmi þeirra við skilgreiningar í útboðsgögnum, og fyrri verkframkvæmdir. Tilboð skulu því vera eins hagkvæm og unnt er varðandi verð og tæknilega þætti. Við mat á tilboðum er stjórnvöldum í sjálfsvald sett að ákveða vanhæfni tilboðsgjafa og þar með að hafna tilboði hans. **Framlagning tilboðs er staðfesting á skilmálum og ákvæðum þessara útboðsgagna.**
6. **Heimsókn á verksvæði:** Tilboðsgjafar eru eindregið hvattir til þess að nýta sér tækifæri, sem veitt verður á ákveðnum tímapunktí, til þess að heimsækja viðkomandi verksvæði. Tilboðsgjöfum er góðfúslega bent að heimsóknir á verksvæði án fylgdar fulltrúa stjórnvalda er með öllu óheimil. Tilboðsgjöfum verður ekki veittar einstaklingsleiðbeiningar um verksvæðið.
7. Ekki verða veittar hluta- eða framvindugreiðslur skv. verksamningi nema með sérstöku leyfi yfirmanns verksamningsgerðar (Contracting Officer).

FREKARI UPPLÝSINGAR

Tilboðsgjafar skulu leggja fram tilboð sín vegna verks þessa fyrir þann dag og tímasetningu sem tilgreind er, annaðhvort persónulega eða í pósti. Vinsamlegast tilgreinið verknúmer framan á lokuðu tilboðsumslagi og skrifið jafnframt eftirfarandi á það: “**DO NOT OPEN IN MAIL ROOM - ATTN: ROICC Code 01**” Hafi tilboðsgjafar einhverjar spurningar varðandi framkvæmdaleg eða tæknileg atriði verks er þeim bent á að hafa samband við viðkomandi yfirmann verklegra framkvæmda (Officer in Charge of Construction) í síma 425-2228.

TILBOÐSGJAFAR SENDI MEÐ TILBOÐUM SÍNUM EYÐUBLÖÐIN SF33, SF1442, O. FL. (ÁSAMT VIÐEIGANDI TILVÍSUNUM UM ÁBYRGÐIR) OG ÖLL RÉTTINDASKÍRTEINI

FAR 52.203-2 - Staðfesting á sjálfstæðri verðákvörðun

- (a) Tilboðsgjafi staðfestir að...
- (1) ...verð í tilboði þessu eru sjálfstætt ákvörðuð og án nokkurar tilraunar til þess að hamla samkeppni, og án samráðs, samskipta eða samninga við nokkurn annan tilboðsgjafa eða samkeppnisáðila varðandi
- (i) verð þessi,
(ii) ætlun að gera tilboð, eða
(iii) aðferðir eða þætti varðandi útreikning tilboðsverða.
- (2) Tilboðsgjafi hefur ekki birt neinum verðin í tilboði sínu og hann mun ekki birta þau, beint eða óbeint, neinum öðrum tilboðsgjöfum eða samkeppnisáðilum áður en tilboð verða opnuð (í tilvikum um lokuð verkútboð) eða úthlutun samnings (í tilvikum um opin verkútboð) nema lög kveði á um annað, og...
- (3) ...engin tilraun hefur eða verður gerð af hendi tilboðsgjafa til þess að hafa áhrif á nokkurn aðila í þá veru að gera eða gera ekki tilboð, og þar með að hamla samkeppni.
- (b) Sérhver undirritun í tilboði telst vera yfirlýsing þess sem undirritar að hann...
- (1) ...sé sá aðili í fyrirtæki tilboðsgjafa sem ber ábyrgð á verðákvörðunum í tilboði hans eða tillögu, og að sá sem undirritar hafi eigi og muni eigi taka þátt í neinum aðgerðum er stangast á við mgr. (a)(1) til og með (a)(3) ákvæðis þessar, og
- (2)(i) hafi hlotið skriflegt umboð til þess að lýsa því yfir að eftirfarandi yfirmenn fyrirtækisins hafi eigi og muni eigi taka þátt í neinum aðgerðum er stangast á við mgr. (a)(1) til og með (a)(3) ákvæðis þessa
(ritið fullt nafn þess einstaklings/einstaklinga fyrirtækis tilboðsgjafa sem bera ábyrgð á verðákvörðunum í tilboði þessu eða tillögu, og starfsheiti viðkomandi aðila í fyrirtæki tilboðsgjafa).
- (ii) Skv. fullu umboði staðfestir ofangreindur að yfirmenn þeir, sem tilgreindir eru í mgr. (b)(2) í ákvæði þessu hafi eigi og muni eigi taka þátt í neinum aðgerðum er stangast á við mgr. (a)(1) til og með (a)(3) ákvæðis þessa, og
- (iii) að hann, sem umboðshafi, hafi eigi sjálfur tekið þátt í og muni eigi taka þátt í neinum aðgerðum er stangast á við mgr. (a)(1) til og með (a)(3) ákvæðis þessa.
- (c) Í því tilviki að tilboðsgjafi taki út eða breyti mgr. (a)(2) ákvæðis þessa, skal tilboðsgjafi láta fylgja tilboði sínu skriflega yfirlýsingu þar sem skýrðar eru ástæður og grundvöllur þessa.

(lok gr.)